

ԲԱՆԱՍՏԵՂԾԱԿԱՆ**ԸՆԿԱԾՆԵՐԸ**

Կռիւններում ընկան նրանք,
Ամէն մէկը՝ մի տան ճրագ,
Ամէն մէկը՝ մի մօր որդի,
Ամէն մէկը՝ մի աղջկայ
Երազանքը անապական,
Կնոջ՝ սէրը, հօր՝ ապագան...
Ամէն մէկը՝ անգիր մի վէպ,
Ամէն մէկը անգին մի կեանք...

Ամէն մէկը ընկան ա՛յլ կերպ.
Մերթ՝ ջրի մէջ, մերթ՝ հողի տակ,
Մէկը սրով, տասը՝ հրով,
Մէկը՝ արդէն յայտնի հերոս,
Տասը՝ հերոս դեռ չգարձած,
Մէկը՝ իր մօր արցունքներով
Թաց նամակը դեռ չընթերցած,
Տասը՝ նամակ սպասելիս,
Կարօտելիս, երազելիս...

Բայց զոհի՛ պէս չընկան նրանք:
Ընկան նրանք իբրեւ մարտիկ,
Ընկան նրանք իբրեւ մարտիկ,
Որ սովոր են մահը վանել
Իրենց կեանքով՝ յանուն կեանքի,
Որ սովոր են զրկանք տանել՝
Ընդդէմ ցաւի ու զրկանքի.
Որ պատրաստ են յանուն սիրոյ
Սիրուց առնել ատելու թափ.
Եւ անպարտ են ատելութեամբ:
Որ հզօր են հէնց այդ սիրով.
Զոհի՛ նման չընկան նրանք:
Ընկան նրանք իբրեւ մարտիկ,

Որ փուլ չգայ էլ ապարանք,
Խաղաղ մնայ ամէն երգիկ,
Եւ ծխանի ծուխը բարակ
Վէր բարձրանայ պրակ-պրակ,
Քամուց թերթուի լուրթ երկնքում.
Որ էլ ոչ մի ընտանիքում
Անտերացած ոչ մի աթոռ
Չաղաղակի դատարկութեամբ
Թէյի ժամին, ճաշի պահին.
Որ արկերի դղրդոցին
Ու հրդեհի ահեղ բոցին
Փոխարինեն արթած բահի
Զրնգոցը երկնքի տակ
Եւ կարօտի շշուկը տաք:

Նրանք ընկան կռիւններում,
Բայց ապրում է հոգին նրանց
Ապրողների հոգիներում.
Զի՛ մեղմացել ցաւը կրած,
Ատելութիւնը փոփրրած
Եւ յաղթութեան տենչը խորին՝
Ի գիտութիւն ա՛յն բոլորի,
Որ նայում են շիրմին նրանց
Միայն իբրեւ մի բլուրի,
Որ հարթում է կամաց-կամաց,—
Անմիտի պէս մոռանալով,
Որ եթէ չար թշնամու դէմ
Ապրողները իրենց ուժով
Ու զէնքով են անպարտելի,
Ընկածները իրենց յուշով
Վրէժով են սարսափելի...

ՊԱՐՈՅՐ ՍԵՒԱԿ

1947

ԲԱՆԱՍՏԵՂԾԱԿԱՆ**ԱՆԿԵՂԾ ԱՍԱԾ**

Անկեղծ ասած՝ այս ամենից ես յոգնել եմ,
 Ես, սիրելիս, որ քեզ սիրել եւ օգնել եմ.
 Ձեռք եմ պարզել, յոյս եմ տուել,
 Վատըդ թողած՝ լաւըդ թուել,
 Հաւատացրել, հաւատացել,
 Թէ իմ առաջ դուռ ես բացել՝
 Ձտեսնընում, չեղած մի դուռ:
 Սակայն ի՞նչ եմ ես ստացել
 Այդ ամենին ի տրիտուր:

Յաժ է ընկնում երեք խնձոր —
 Մէկ՝ ասողին,
 Մէկ՝ լսողին,
 Մէկ էլ... ինձ պէս գիշեր ու զօր
 Յիմարաբար սպասողին...

Անկեղծ ասած՝ հէքիաթներից ես յոգնել եմ...

ՊԱՐՈՅՐ ՍԵՒԱԿ

1955

Անկեղծ ասած՝ ոչինչ չկայ, եւ ոչ էլ կար:

Անկեղծ ասած՝ դու բնաւ էլ ա՛յն չես եղել,
 Ա՛յն չես եղել, ինչ որ ես եմ կարծել երկար:
 Ո՛ւր ես, ասա՛, դու ինձ մղել:
 Ճիշդ ճամբից ես միայն շեղել:
 Սուտ խոստումով կապել ես ինձ,
 Մանկան նման խաբել ես ինձ,
 Ու չես տուել ոչ ի՛նչ, ոչ ի՛նչ:
 Իսկ այն, ինչ որ ինձ ես տուել,
 Արժանի չէր, ո՛չ քեզ, ո՛չ ինձ:

Անկեղծ ասած՝ քո տուածից ես յոգնել եմ:

Ինքդ գիտես՝ որքան ձգտել ու տքնել եմ,
 Որ դու... որ դու նման լինես իմ երազին:
 Իսկ դու գիտես՝ ի՛նչ դուրս եկաւ.
 «Տղան հասաւ իր մուրազին,
 Դուք էլ հասնէք ձեր մուրազին»:
 Հէքիաթն, այո, միտքըս ընկաւ...
 Դու՛ հէքիաթում հրաշք աղջիկ.
 Այնինչ կեանքում՝ ինչ-որ... չղջիկ,
 Որ ոչ թռչուն, ոչ էլ մուկ է...

Անկեղծ ասած՝ զուր էր ամբողջ այս աղմուկը:

Անկեղծ ասած՝ նեղանում ես, թէ լրջանում,
 Մէկ է հիմա: Էլ չեմ գցի ինձ սար ու ձոր,
 Անկեղծ կ'ասեմ՝ հէքիաթն ինչով է վերջանում.

ՔԱՆԱՍՏԵՂԾԱԿԱՆ**ՎԱՐՔ ՄԵԾԱՅ**

Ո՛ւշ-ո՛ւշ են գալիս, բայց ո՛չ ուշացած.
 Ծնւում են նրանք ճիշդ ժամանակին:
 Եւ ժամանակից առաջ են ընկնում,
 Դրա համար էլ չեն ներում նրանց:

Անտոհմ չեն նրանք կամ անհայրենիք.
 Հասարակ հօրից ու մօրից ծնուած՝
 Սերում են նրանք եւ ա՛յն վայրենուց,
 Որ էլ չէր կարող ապրել քարայրում:

Սերում են նրանք եւ ա՛յն ծերուկից,
 Որ նախընտրում էր քնել տակառում:
 Սերում են նրանք եւ ա՛յն պատանուց,
 Որ սիրահարուեց իր իսկ պատկերին:

Սերում են նրանք բոլոր նրանցից,
 Որ սատանային հոգին են ծախում,
 Միայն թէ անէն մտածածն իրենց,
 Ինչ փոյթ թէ սատկեն ժամանակից շուտ:

Անվտանգ՝ ինչպէս հրդեհն արեւի,
 Անվնաս՝ ինչպէս օգտակար լորտուն,
 Վախ են ներշնչում պետութիւններին
 Մինչեւ իսկ իրենց կամքի հակառակ:

Արքաների հետ խօսում են «դու»-ով,
 Եթէ, ի հարկէ, լսում են նրանց,
 Իսկ թէ չեն լսում՝ մէկ է, չեն լռի,
 Կը խօսեն նոյնիսկ իրենց կօշկի՛ հետ:

Ով սահմանում է նոր օրէնք ու կարգ՝
 Յայտարարւում է եւ օրէնքից դուրս:
 Բայց չեն վախենում նրանք չար մահից.
 Ապրում են դժուար ու մեռնում են հեշտ...

ՊԱՐՈՅՐ ՍԵՒԱԿ

1961

ԲԱՆԱՍՏԵՂԾԱԿԱՆ**ԲԱՐԵԽՕՍ ԵՂԻՐ ԻՄ ԵՒ ԻՄ ՄԻՋԵՒ**

Օգնիր ինձ, Մարիամ,
Անաղարտ մնամ
Այն ճահճանման աղտ-աղարտի մէջ,
Որ դժգոհութիւն բառով է կոչւում:

Դժգոհութիւնից ես շատ եմ դժգոհ:
Օգնիր ինձ, Մարիամ,
Եւ ասեմ՝ ինչո՞վ.
Բարեխօս եղիր իմ եւ իմ միջեւ,
Որ բանն աւարտուի ինքնահաշտութեամբ:

Ես խռովել եմ նաեւ աշխարհից.
Եկ ու վեսրտին հաշտեցրո՛ւ դու մեզ,
Թէ չէ ես այսպէս ապրել չեմ կարող:

Ուզում եմ նայել ինձ ու աշխարհին
Լիացած, ժպտո՞ւն ու գո՛հ աչքերով՝
Յաղթելով եւ քաղցը, եւ պապակ փափաք:

Ուզում եմ ապրել անշար ու բարի՝
Գմբէթի ճեղքում բուսած տուղտի պէս...

Մի բու թառել է իմ զոյգ աչքերին.
Թոցրո՛ւ նրան:
Մի ձու սպիտակ ինձ բիբ է դարձել.
Կորցրո՛ւ այդ ձուն:

Ճանճեր են նստած ինձ վրայ
Այնպէս,
Ինչպէս քունջութը՝ կաթնահունց հացին:
Ճանճը քունջութ չէ.
Հացըս չի՛ ուտւում:

Ճանճով է լցուած իմ ներսը նաեւ,
Ինչպէս վարսանդը՝ խաշխաշի սերմով:
Խաշխաշ չեմ ուզում.
Կակա՛շ դարձրու:

Ասում են, իբրբ, կապոյտի վրայ
Ձեն նստում ճանճեր:
Լսո՞ւմ ես, Մարիամ,
Ինձ ներս ու դրսից կապոյտ հագցրու...

ՊԱՐՈՅՐ ՍԵՒԱԿ

1963

ՔԱՆԱՍՏԵՂԾԱԿԱՆ**ՆՈՐՕՐԵԱՅ ԱՂՕԹՔ**

Արդէն 10 տարի, 110 տարի, 1010 տարի
 Ես վախենում եմ,
 Շատ եմ վախենում
 Բիւրաւոր ու բոլթ հաւատացեալից,
 Բիւրատեսք ու սո՛ւտ հաւատացեալից:
 Եթէ աստուած էք՝
 Փչեցէ՛ք նրանց բոլոր մոմերը,
 Մարեցէ՛ք նրանց կանթեղներն ամէն,
 Հանգցրէ՛ք նրանց ջահերն այլազան,
 Որ... եղիցի լոյս:
 Եւ ո՛չ մի գաւթում մի՛ ընդունեցէք
 Նրանց մատաղը,
 Որ իրենցը չէ, այլ գողացուած է:
 Մերժեցէ՛ք նրանց զո՛հն էլ խոստացեալ,
 Որ... զոհ չգնայ ինքը հաւատը՝
 Մաքո՛ւր-վսեմը,
 Անկեղծ-անսո՛ւտը:
 Ու թէ աստուած էք՝
 Ամուր փակեցէ՛ք ձեր ականջներն էլ
 Նրանց սողոսկուն աղօթքի դիմաց՝
 Անգի՛ր-ինքնահո՞ս-հաշուեկշռուած այն աղօթքների,
 Որով խաբում են ո՛չ իրենց,
 Այլ ձեզ:
 Եւ — բաւական է — հասկացէ՛ք ընդմիշտ,
 Որ աստծուն նոյնիսկ հայհոյողները
 Շատ աւելի են գերադասելի,
 Վասնզի նրանց բարկացրել է ինքը հաւատը՝
 Խոցուած-արիւնոտ,
 Այրունդ-ապտակուած,
 Ցաւած-ճշացո՞ղ,
 Մանո՛կ հաւատը,
 Որ հայր դառնալու համար է ծնուել:
 Ու եթէ հայր էք՝
 Մի՛ թողէք,
 Որ սուտ հաւատացեալներն սպանեն նրան:
 — Ինչքան էլ ծանր է մանուկ թաղելը,
 Մանուկ պահելը ծանր է աւելի...

ՊԱՐՈՅՐ ՍԵԻԱԿ

1965

ԲԱՆԱՍՏԵՂԾԱԿԱՆ**ՁԱՅՆԻՒՆ ԵՐԿՐՈՐԴ-
ԱՌ՝ ՏԷՐ ԿԱՐԴԱՄ**

Թողովի թիւն տուր, Տէր, ծանրը հաւարին,
Միայն թէ թող նա թողնի հեռանայ:
Թող ծառերն անգամ (առանց եւ քամու),
Յարգանքով նրա առջեւ կեռանան,
Միայն թէ թող նա թողնի հեռանայ:
Մենք պահանջ չունենք,
Մենք գոհ ենք նոյնիսկ,
Միայն թէ թող նա թողնի հեռանայ:
Մենք խոստանում ենք,
Եւ մենք իսկապէս
Նրան չենք կարող ու չենք մոռանայ,
Միայն թէ թող նա թողնի հեռանայ...

Բայց եւ առնչում մեզ ովկիաններին,
Որոնց անվախճան ու տարուբերող
Մակընթացութիւն-տեղատըւութիւնն
Այլ բան չէ արդէն,
Քան թէ աննշան մեր զարկերակի
Նշանակալից արձագանգը մեծ
Մեզնից սկսուող տարածութեան մէջ...

ՊԱՐՈՅՐ ՍԵՒԱԿ**1967**

Իսկ թէ հարկ լինի, նամանաւանդ պէտք,
Ես հաւարի հետ կը մեկնեմ Ինքըս՝
Դառնալով նրա թագաւորութեան
Հին Հպատակն ու նոր Քաղաքացին՝
Անդարձ կը մեկնեմ հաւարի հետ Ես,
Միայն թէ մեր այդ մեկնումից յետոյ
Ժամանի ինքը Արշալոյսը,
Գա՛յ,
Ու եթէ մի քիչ տխրի, որ չկամ,
Բայց մի քիչ յետոյ
Եւ ուրախանա՛յ, որ իմ կորստով
Կորել է նաեւ ինքը հաւարը...

Արշալոյսը գայ,
Եւ իր կտրուած պորտից պոկուելով՝
Նորածին օրը ալ-կարմիր շնչի
Եւ ինքն էլ զգայ,
Որ իր այդ շնչով խոնաւ ու տաքուկ
Այնպէս է լցւում աշխարհը կրկին,
Ինչպէս տճկորը՝ արնագոյն գինով,
Եւ այդ լցումի թրթիռը հսկայ
Մանրիկ անցնում է մեր իսկ ներքինով՝
Իբրեւ մի սարսուռ,
Որ մեզ կապում է անտես կապերով
Աստուածների հետ,
Դարձնում նրանց հետ մեզ յարաբերող,